



APERTURA OFICIAL DI SAN NICOLAS COMMUNITY MUSEUM



DIAHUEBS atardi a tuma luga e apertura oficial di San Nicolas Community Museum caminda un cantidad di invitado, encabesa pa Gobernador di Aruba por a disfruta di e bunita proyecto aki cu a keda cla den apenas algun siman di tempo.

The San Nicolas Community Museum lo atrae mas fluho di turista pa Pariba di Brug

Minister di Turismo, Transporte y Labor Otmar Oduber



Minister Otmar Oduber, kende ta e mandatario cu a carga e proyecto aki for di cuminsamento, por bisa cu for di practicamente un aña pasa ora el a bishita e Museo di Antigüedad, a expresa su complacencia di por mira obhetonan asina valioso, rico den cultura y historia di nos pais por wordo exponi pa tanto local como bishitante por aprecia nan. El a gradici e

fondo di mehoracion di producto (TPEF) pa su sosten na e proyecto aki, como tambe na Fundacion Museo Aruba pa yude carga y tuma encargo di e museo cu lo exhibi e coleccion extenso di e fayecido Mario Odor, pero tambe lo tin diferente exhibicionnan di artistanan di San Nicolas mes. Minister di Turismo, Transporte y Labor su interes ta pa trece un

fluho diario di persona pariba y asina contribui cu e crecimiento economico y cultural na San Nicolas. Den cuadro aki por menciona cu Gabinete Mike Eman tin diferente plan nan cu lo wordo ehecuta pa contribui na e embeyecemento di San Nicolas manera Carnaval Museum, Water Toren cu lo bira Industrie Museum, Sport Museum y Community Museum. Esaki ta parti di e plan strategico 'Winning the Future' cu ta confirma cu turista nan cu ta bishita Aruba ta buscando un variedad pa un experiencia unico. Cu ta exactamente loke Aruba ta ofrece na e bishitante. Minister di Turismo a anuncia durante su discurso di tin un plan pa otro



atraccion pa trece mas atrae mas bishitante pa San Nicolas, unda aki par di luna lo lansa e San Nicolas Monument Route. E ruta monumental di San Nicolas a wordo describi y publica den e Monument Guide cu ta obtenibel den 4 idioma. E pueblo di San Nicolas lo ta e prome bario pa haya e ruta monumental instala y lo tin un señalacion cu descripcion di cada monumento. Minister Otmar Oduber ta gradici colega Minister Mike de Meza pa a Semper para tras



di e proyecto aki. E mandatario a expresa un biaha mas cu e ta sumamente orguyoso di por contribui di e forma aki, pa medio di e fondonan di mehoracion di producto Aruba, cu desaroyo di nos cultura y tradicion na San Nicolas.